

# Persónuverndarstefna Ungmennafélagsins Þjótanda

## 1. Almenn

Ungmennafélagið Þjótandi, 5901162030, með aðsetur að Brandshúsum 6, 801 Selfoss leggur ríka áherslu á að vernda persónuupplýsingar sem unnið er með í starfseminni. Persónuverndarstefnu þessari er ætlað að skýra hvernig við öflum og notum persónuupplýsingar og hvaða réttindi einstaklingar eiga sem skráðir eru hjá Ungmennafélaginu Þjótanda.

Ungmennafélagið Þjótandi leitast við að uppfylla ákvæði og regluverk laga um persónuvernd sem í gildi eru á hverjum tíma. Persónuverndarstefna þessi er byggð á lögum um persónuvernd og vinnslu persónuupplýsinga, nr. 90/2018 (pvl.) og reglugerð Evrópuþingsins og ráðsins (ESB), nr. 2016/679 (rglg.).

Ungmennafélagið Þjótandi telst vera ábyrgðaraðili í skilningi laganna og ber ábyrgð á því hvernig persónuupplýsingar eru unnar í starfseminni. Persónuverndarstefnan er aðgengileg á heimasíðunni [www.floahreppur.is](http://www.floahreppur.is) og var þessi útgáfa samþykkt þann 26. mars 2019.

## 2. Meginreglur Persónuverndar

Við höfum ávallt í huga meginreglur persónuréttar við vinnslu persónuupplýsinga. Þessar reglur fela meðal annars í sér að persónuupplýsingar séu:

- áreiðanlegar og uppfærðar reglulega;
- unnar með lögmætum, sanngjörnum og gagnsæjum hætti;
- fengnar í skýrt tilgreindum og málefnalegum tilgangi;
- unnar af hófsemi og miðast við tilgang söfnunar;
- varðveittar með öruggum hætti og ekki lengur en þörf er á.

Við leitumst við að öll vinnsla persónuupplýsinga sé viðhöfð með hliðsjón af meginreglunum þannig að tryggja megi réttindi einstaklinga sem best.

### 3. Hvaða persónuupplýsingum söfnum við og hvernig ?

Vinnsla persónuupplýsinga hjá Ungmennafélaginu Þjótanda fer í flestum tilfellum fram í tengslum við samþykktu félagsaðild eða á grundvelli lögmætra hagsmuna, samnings eða laga. Ungmennafélagið Þjótandi vinnur meðal annars persónuupplýsingar um:

- Starfsmenn
- Félagsmenn
- Iðkendur

Ólíkum upplýsingum er safnað um ólíka flokka einstaklinga. Til dæmis er umfangsmeiri upplýsingum safnað um starfsmenn heldur en félagsmenn og iðkendur. Dæmi um upplýsingar sem við vinnum eru:

- Starfsmannaupplýsingar, svo sem nafn, kennitala, lögheimili, sími, netfang, bankareikningur og fleira. Við kunnum einnig að vinna viðkvæmar persónuupplýsingar um starfsmenn, eins og heilsufarsupplýsingar vegna veikinda.
- Félagsmanna- eða iðkendaupplýsingar, svo sem nafn, kennitala, netfang, hlutverk í hreyfingu.
- Upplýsingar um keppendur, svo sem nafn, kennitala, kyn, íþróttagrein, árangur, heiti móts, tegund móts.

Persónuupplýsingarnar sem við söfnum og vinnum koma venjulega beint frá hinum skráða einstaklingi. En geta líka komið frá öðrum aðilum eins og úr Felix gagnagrunninum eða frá skráningarforritum sérsambanda.

### 4. Hver er grundvöllur/tilgangur vinnslu persónuupplýsinga ?

Ungmennafélagið Þjótandi vinnur persónuupplýsingar um einstaklinga á grundvelli samþykkis, einkum um félagsmenn og iðkendur sem gerast aðilar að Ungmennafélaginu Þjótanda og í markaðstilgangi.

Þegar við skráum upplýsingar um félagsmenn og iðkendur Ungmennafélagsins Þjótanda í Felix þá gerum við það á grundvelli lögmætra hagsmuna sem felast m.a. í fjárhagslegum ávinningi í tengslum við lottógreiðslur en samkvæmt lögum ÍSÍ eiga öll aðildarfélög að skila inn upplýsingum um félagsmenn og iðkendur til þess að fá þær. Lögmætir hagsmunir felast einnig í tölfræðivinnslu og sögulegum tilgangi.

Þá fer vinnsla einnig fram til að uppfylla lagaskyldu sem hvílir á okkur, svo sem í tengslum við útgreiðslu launatengdra gjalda, samkvæmt vinnuréttarlöggjöf eða á grundvelli jafnréttislaga, svo sem þegar við skráum upplýsingar um kyn félagsmanna.

Viðkvæmar persónuupplýsingar eru einkum unnar um starfsmenn og iðkendur á grundvelli samnings og lagaskyldu. Í þeim tilvikum höfum við gert viðeigandi verndarráðstafanir í samræmi við gerðar kröfur.

## 5. Miðlun

Ungmennafélagið Þjótandi kann að miðla persónuupplýsingum til þriðja aðila vegna ýmissa ástæðna. Til dæmis getur verið um að ræða þjónustuaðila eða verktaka sem veita ákveðna þjónustu. Getur þá verið nauðsynlegt að veita slíkum aðila aðgang að persónuupplýsingum. Ekki hefur enn komið til þess að Ungmennafélagið Þjótandi þurfi að nýta sér þjónustuaðila eða verktaka.

Þegar slíkir aðilar hafa aðgang að persónuupplýsingum vegna eðli þjónustunnar sem um ræðir tryggir Ungmennafélagið Þjótandi að aðeins séu afhentar persónuupplýsingar sem eru nauðsynlegar og að um ábyrga vinnsluaðila sé að ræða sem þjóða upp á þjónustu sem uppfyllir skilyrði persónuverndarlaga, m.a. með tilliti til öryggis persónuupplýsinga.

## 6. Öryggi

Mikið er lagt upp úr öryggi persónuupplýsinga hjá Ungmennafélaginu Þjótanda og hefur verið gripið til viðeigandi tæknilegra og skipulagslegra ráðstafana til að vernda persónuupplýsingar, með hliðsjón af eðli og umfangi vinnslu. Meðal annars með innleiðingu ferla og verklags, sem og tæknilegra öryggisráðstafana, sem taka tillit til eðli upplýsinganna sem um ræðir og áhættu fyrir skráða einstaklinga.

Verði öryggisbrestur sem varðar persónuupplýsingar og hefur í för með sér áhættu fyrir skráða einstaklinga mun Ungmennafélagið Þjótandi tilkynna slíkt án ótilhlýðilegra tafa til Persónuverndar. Í ákveðnum tilfellum ber Ungmennafélaginu Þjótanda einnig að tilkynna skráðum einstaklingum um öryggisbresti. Ungmennafélagið Þjótandi hefur komið sér upp verkferlum til að bregðast við slíkum aðstæðum.

## 7. Varðveisla

Ungmennafélagið Þjótandi geymir persónuupplýsingar í þann tíma sem nauðsynlegt er til að uppfylla tilgang vinnslu, nema lengri geymslutíma sé krafist eða hann leyfður samkvæmt lögum. Lög sem okkur ber að fylgja eru til dæmis lög um bókhald sem kveða á um sjö ára geymslutíma gagna.

Sé möguleiki á því að þörf verði fyrir persónuupplýsingar síðar til að uppfylla lagaskyldu eða vegna lögmætra hagsmuna, mun Ungmennafélagið Þjótandi varðveita þær persónuupplýsingar með eins öruggum hætti og nauðsyn ber til.

## 8. Réttindi skráðra einstaklinga

Einstaklingar geta óskað eftir upplýsingum um vinnslur Ungmennafélagsins Þjótanda og einnig geta þeir óskað eftir því að nýta önnur réttindi sín með því að senda skriflega fyrirspurn á netfangið: [umfthjotandi@gmail.com](mailto:umfthjotandi@gmail.com). Dæmi um réttindi einstaklinga eru:

- aðgangur að persónuupplýsingum
- afrit af persónuupplýsingum, réttur til leiðréttingar og eyðingar
- mótmæla vinnslu og/eða takmarka vinnslu
- draga til baka samþykki fyrir vinnslu
- óska eftir því að persónuupplýsingar séu fluttar til annars aðila

Einstaklingar kunna að eiga frekari réttindi í tengslum við vinnslu Ungmennafélagsins Þjótanda á persónuupplýsingum. Þá kann framangreint að vera háð takmörkunum sem leiða meðal annars af lögum eða lögmætum hagsmunum Ungmennafélagsins Þjótanda. Við munum óska eftir staðfestingu á auðkenni þeirra einstaklinga sem virkja réttindi sín, svo sem með ökuskrírteini eða vegabréfi, til að tryggja það að upplýsingar berist ekki í hendur óviðkomandi aðila.

## **9. Samskipti við Ungmennafélagið Þjótanda og Persónuvernd**

Fyrirspurnum vegna persónuverndarmála Ungmennafélagsins Þjótanda er unnt að beina á netfangið [umfthjotandi@gmail.com](mailto:umfthjotandi@gmail.com). Komi upp ágreiningur um meðferð persónuupplýsinga er unnt að senda kvörtun til Persónuverndar. Finna má upplýsingar um hvernig hafa skal samband við stofnunina hér: [www.personuvernd.is](http://www.personuvernd.is).

## **10. Breytingar á persónuverndarstefnu Ungmennafélagsins Þjótanda**

Persónuverndarstefnan er endurskoðuð reglulega og kann því að taka breytingum. Breytingar á stefnunni öðlast gildi við birtingu á heimasíðu Flóahrepps, [www.floahreppur.is](http://www.floahreppur.is). Þessi útgáfa var samþykkt 2. janúar 2020.